

## Band X., Nr. 4877, Seite 511-512

*Agnes die Truchsessin von Geislingen schenkt einen Hof in Böttingen an Kloster Söflingen und stiftet ihre Jahrzeit bei den Minderbrüdern in Ulm.*

Ulm, 1296. Juli 15.

In gotis namen. Amen. Ich Agnes diu truhsâzzin von Giselingen vergihe und tûn kunt allen den dî dizen brief sehent lezent oder horent lezen, daz ich mit mime frieme<sup>1</sup> müte und mit gutem willen miner tohter Irmengard habe gegeben und giordenut durch miner sele willen gein Sovelingen den fröwen santi Clarun ordines, swas ich rehtes habe oder aigens an dem hove zi Bettingen bi der kirchen, den maier Wernher buwet und der mir geben wart older gisezzit fur sehsiu und drissic phunde Haller von mime vater umbe mine hainstiure zû minem wirtte, und ist daz bishehen mit solchem gidinge und tægidingen, daz mine vor ginanten fröwen von Sovelingen sulen giwert werden alliu jar von dem ginempten hove aines phundes Haller vier und zwaincich kæse zwai hundert aier, und swer den hof zi cinslehen enphahet von den frowen oder haut, der sol alliu jar ain phunt wahses geben uff unserr frowen altære zi Sovelingen, und daz vor ginante gelt sol von dem hove werden, und mohti ioch nummer da werden, wan ez ouch daz erste gelt ist von dem hove. Ich habe ouch gedinget, daz dî vor gnanten frowen da zci Sovelingen sulen alliu jar geben den Mindern brüderen zi Ulme ain phunt Haller und vier und zwaincich kæse, dî sî in nement von dem gnanten hove, daz dî selben Minneren brüder mine jargicthe bigangen ies jars swenne diu wirt, wan ich ouch mine bigrebde da habe williclichen erwelt. Dez selben vergihe ouch ich Hainrich der muller von Horningen ich H. und ich Cûnrad sine sune, wir alle dry verjehen der vordern rede und ouch mere, daz wir daz aigen dez vor ginanten hoves zi Bettingen haben williclichen giophert und uf gegeben uff unserr fröwen altære zi Sovelingen und haben den wider enphangen von den frowen zi einem rehten cinslehen, daz wir oder unser erben ein phunt wahses sulen geben ies jars uf den ginanten altær und swer den hove buwet, der sol daz phunt Haller vier und zwaincich kase zwai hundert aiger geben ies jars als vor giscriben ist den ginanten frowen aune allen criech. Ez ist ouch gidingut, daz diz vor gnante gelt niemmer sol verkophet noch verwandelt werden umbe kainer slahte gût. Dez sint giciuge: Ûlrich der alte Giwarlich, Hainrich von Halle, Liuprant von Halle, Liuprant Arlapuz rihtær zi Ulme, herre Jacob von Sharosteten ein ritter, Ludewich von Sunderbüch, C. von Sharosteten, Ber.

<sup>1</sup>Das Schluß-e übergeschrieben.

## II

von Obenhuzen und vil anderr biderber lute. Daz aber diz ware und stæti bilibe, so ist dirre brief verinsigelt mit graven Ûlrichs insigel von Helphenstain, mit der steti insigel zi Ulme, mit der Minder bruder insigel von Ulme und mit der vor ginanten frowen insigel zi Sovelingen.<br> <br> Diz bischach zi Ulme, do nauch gotis giburte was zwelph hundert jar niuncic jar in dem sehsten jare, an santi Margretun tage.

—

Textabdruck folgt dem Original.<br> <br> Vier Siegel. 1) des Grafen Ulrich von Helfenstein, s. WUB, Bd. X, S. 341, Nr. 4665. 2) der Stadt Ulm, ganz zerbrochen, s. WUB, Bd. VII, S. 201, Nr. 2290. 3) beschädigt, spitzoval, c. 48, 32 mm., oben ein Seraph mit sechs Flügeln (aus der Vision des hl. Franziskus), unten unter Kleeblattbogen ein betender Mönch; Umschrift: . . . FRM . MINORV . . . IN . VLMA. 4) spitzoval, c. 50, 31 mm., zwischen den Heiligen Franziskus und Klara kniet eine Nonne, über die sie segnend die Rechte ausstrecken; von oben herab schwebend ein Engel mit Rauchfaß; Umschrift: + . S . DOMINARVM . PAVPERVM . APVD . VLMAM.

## Überlieferung und Publikationen

**Lagerort:**

StA Ludwigsburg

**Signatur/Titel des Originals:**

B 509 U 144

**Überlieferung und Textkritik:**

Original. HStA Stuttgart J 40/7 Bü. 477 (Druckfahnen Söflinger Regesten), Nr. 144.

**Editionen:**

UB Ulm, 1, 227.

## Weitere Angaben

**Sprache:**

Deutsch

**Ausstellungsort:**

Ulm

**Ortsindex:**

Böttingen Wohnplatz (16754)<br> Böttingen, Dornstadt, UL<br> Geislingen an der Steige Wohnplatz (701)<br> Geislingen an der Steige, GP<br> Helfenstein Wüstung (21656)<br> Helfenstein, Geislingen an der Steige, GP, W<br> Herrlingen Wohnplatz (17017)<br> Herrlingen, Blaustein, UL<br> Obenhausen, Buch (Schwaben), NU<br> Scharenstetten Wohnplatz (16756)<br> Scharenstetten, Dornstadt, UL<br> Schwäbisch Hall Wohnplatz (3361)<br> Schwäbisch Hall, SHA<br> Sonderbuch Wohnplatz (16730)<br> Sonderbuch, Blaubeuren, UL<br> Söflingen Wohnplatz (16646)<br> Söflingen, Ulm, UL<br> Ulm UL<br> Ulm Gemeinde (16620)